





Եվրոպական բանտային կանոններ

Կարճ ուղեցույց



Եվրոպական բանտային կանոնների կարճ ուղեցույց

Սույն փաստաթուղթը կազմվել է «Միջազգային բանտային բարեփոխումներ» կազմակերպության (PRI) և Եվրոպայի խորհրդի կողմից համատեղ՝ Եվրամիության և Եվրոպայի խորհրդի ֆինանսական աջակցությամբ:



European NMP Forum

Փաստաթղթի բովանդակության միակ պատասխանատուն դրա հեղինակներն են, և պարտադիր չէ, որ այն արտացոլի Եվրամիության կամ Եվրոպայի խորհրդի պաշտոնական բաղաբանությունը:

Հայերեն տարբերակը պատրաստվել է AISPIRA ծրագրի շրջանակում: Ծրագիրը ֆինանսավորվում է Նիդերլանդների Արտաքին գործերի նախարարության կողմից և իրականացվում է Նիդերլանդների հելսինկյան կոմիտեի, «Միջազգային բանտային բարեփոխումներ» կազմակերպության և «Քաղաքացիական հասարակության ինստիտուտ» կազմակերպության կողմից:

Սույն հրապարակումը կարելի է վերանայել, օգտագործել դրա հատվածները, վերադրուողորել և թարգմանել մասամբ կամ ամբողջությամբ, սակայն ոչ վաճառքի կամ առևտրային նպատակներով: Այս տեքստի ցանկացած փոփոխություն պետք է հաստատվի PRI-ի և Եվրոպայի խորհրդի կողմից: Այն օգտագործելիս անհրաժեշտ է հղում անել PRI-ին, Եվրոպայի խորհրդին և այս հրապարակմանը: Հարցերը կարող են ուղղվել հետևյալ հասցեներին. publications@penalreform.org և publishing@coe.int:

Penal Reform International
info@penalreform.org
Twitter: @PenalReformInt
Facebook: @penalreforminternational
www.penalreform.org

Council of Europe
Twitter: @CoE
Facebook: @councilofeurope
www.coe.int

Առաջին անգամ հրապարակվել է 2021թ. սեպտեմբերին:
© Միջազգային բանտային բարեփոխումներ
և Եվրոպայի խորհուրդ, 2022թ.

Ներածություն

Ինչ են Եվրոպական բանտային կանոնները:

Եվրոպայի խորհրդի կողմից մշակված Եվրոպական բանտային կանոնները սահմանում են բանտերի կառավարման և բանտերում մարդկանց հանդեպ վերաբերմունքի չափանիշներ: Դրանք գործում են Եվրոպայի խորհրդի բոլոր 47 երկրներում և տրամադրում են կարևորագույն ուղղորդում բանտերի աշխատակիցներին առ այն, թե ինչպես պաշտպանել և երաշխավորել մարդու իրավունքները բանտում:

Կանոնները մշակվել են ողջ Եվրոպայից պրակտիկ գործունեությամբ զբաղվող անձանց, փորձագետների և կառավարության պաշտոնյաների ներգրավմամբ: Դրանք տրամադրում են բանտերի կառավարման բոլոր ոլորտների՝ ընդունումից մինչև ազատում լավագույն պրակտիկայի մանրամասն ուղղորդում: Դրանք համատեղում են Եվրոպայի խորհրդի և իր մարմինների կողմից մշակված բանտային գլխավոր չափանիշները՝ հավաքագրված կանոնների մեկ գրքում, որին պետության բանտային մարմինները պետք է հետևեն:

Պետական մակարդակում բանտային կանոնների և պրակտիկայի վրա ազդելով՝ Եվրոպական բանտային կանոններն իր հերթին ուղղորդում են, թե ինչպես պետք է բանտի աշխատակազմը աշխատի ամենօրյա հիմունքներով:



Ոչ ոք չպետք է ենթարկվի խոշտանգումների կամ անմարդկային կամ նվաստացնող վերաբերմունքի կամ պատժի:

Գոգված 3, Մարդու իրավունքների եվրոպական կոնվենցիա (ՄԻԵԿ)



2020թ.-ի վերանայում

Բանտային լավ պրակտիկայի և բանտում մարդկանց իրավունքների արդյունավետ պաշտպանության մասին գիտելիքն անընդհատ զարգանում է. այդ պատճառով Կանոն 108-ը պահանջում է, որ Եվրոպական բանտային կանոնները պարբերաբար թարմացվեն: 1973թ.-ից ի վեր կանոնները վերանայվել են չորս անգամ, վերջին անգամ՝ 2020թ.-ին:

Բացի նոր գիտական հետազոտություններից, այս թարմացումները հինված են նաև *Խոշտանգումների կանխարգելման կոմիտեի (ԽԿԿ, տես *Լրացուցիչ աղբյուրներ*)* փորձերի վրա, որը տարեկան հարյուրավոր բանտեր է այցելում Եվրոպայում, և Մարդու իրավունքների եվրոպական դատարանի փորձի վրա, որը որոշումներ է կայացնում բանտում գտնվող անձանց՝ իրենց հանդեպ վերաբերմունքի և հիմնարար իրավունքների մերժման մասին անհատական բողոքների վերաբերյալ:

Կանոնները նաև համահունչ են միջազգային չափանիշներին, քանի որ ՄԱԿ-ի՝ 2015թ.-ի՝ բանտարկյալների հետ վարվեցողության վերաբերյալ Նեյտոն Մանդելայի կանոնները հիմնված են եղել ավելի վաղ գոյություն ունեցող Եվրոպական բանտային կանոնների վրա, իսկ 2020թ.-ի վերանայված տարբերակն, իր հերթին, հիմնված է եղել այդ Կանոնների և 2010թ.-ի՝ բանտարկյալ կանանց հետ վարվեցողության վերաբերյալ Բանգկոկյան կանոնների վրա (տես *Լրացուցիչ աղբյուրներ*):

Եվրոպական բանտային կանոնները, հետևաբար, տրամադրում են շրջանակ բանտային մարմինների համար, որը համահունչ է մարդու իրավունքներին և թարմացված է՝ միջազգային զարգացումներին զուգահեռ: Դրանք սահմանում են կարևոր ուղղորդում բանտի աշխատակազմին առ այն, թե ինչպես ինտեգրել այս զարգացումները իրենց առօրյա աշխատանքում:

1. Եվրոպայի խորհրդի Նախարարների կոմիտե, Եվրոպական բանտային կանոններ, վերանայված 2020 (CM/Rec(2006)2-rev), և Եվրոպական բանտային կանոնների Մեկնաբանություն, վերանայված 2020 (CM(2020)17-add2), հասանելի հետևյալ հղումով www.coe.int/en/web/prison/conventions-recommendations.

Ինչպես օգտագործել այս ուղեցույցը

Այս ուղեցույցը սահմանում է Եվրոպական բանտային կանոնների հիմնական պահանջները մի շարք հարցերի վերաբերյալ՝ արձանագրությունները պահելուց և առողջապահությունից մինչև անվտանգություն, ապահովություն և կարգապահություն: 2020թ.-ին փոփոխության ենթարկված կանոնները նշված են «*» նշանով: Բանտերում աշխատող կամ բանտերը մշտադիտարկող անձանց համար նախատեսված լինելով՝ ուղեցույցը տրամադրում է ընդհանուր շրջանակ, որին կարելի է հետևել՝ ապահովելու, որ բանտային ամենօրյա գործընթացներն ու բանտերի աշխատակազմերի և բանտերում աշխատող այլ մասնագետների կողմից իրականացվող գործողությունները լինեն Կանոններին համապատասխան: Ավելի մանրամասն ուղղորդում կարող եք գտնել հենց Եվրոպական բանտային կանոնների տեքստում և դրանց համապարփակ Մեկնաբանությունում:¹

Որո՞նք են կանոնները:

2020թ.-ի վերանայված տարբերակով փոփոխության ենթարկված կանոնները նշված են հետևյալ նշանով՝ «*»:

Հիմնական սկզբունքներ

Եվրոպական բանտային կանոնները սահմանում են հիմնական սկզբունքներ, որոնք պետք է լինեն բանտերի վարչարարության հիմքը և ուղղորդեն հենց կանոնների վերլուծությունը:

➡ Մարդու իրավունքների պաշտպանություն [Կանոններ 1 և 2]

Մարդու իրավունքները պետք է մշտապես հարգվեն և պաշտպանվեն: Բանտ մտնելով մարդիկ չեն կորցնում իրենց մարդու իրավունքները, թեև դրանք կարող են սահմանափակվել:

➡ Համաչափություն [Կանոն 3]

Բանտում անձանց վրա կիրառվող ցանկացած սահմանափակում պետք է լինի համաչափ և հետապնդի իրավաչափ նպատակ:

➡ Նորմալիզացում [Կանոններ 4 և 5]

Կյանքը բանտում պետք է հնարավորինս նման լինի համայնքի կյանքին:

➡ Վերաինտեգրում [Կանոններ 6 և 7]

Համայնքին վերաինտեգրումը պետք է լինի կալանքի կառավարման գլխավոր նպատակը: Դրսի սոցիալական ծառայությունների և (հնարավորության դեպքում) քաղաքացիական հասարակության հետ համագործակցությունը խրախուսվում է:

➡ Բավարար և որակյալ աշխատակազմ [Կանոն 8]

Անհրաժեշտ է իրականացնել լավ հավաքագրում, վերապատրաստում և տրամադրել աշխատանքային լավ պայմաններ բանտի աշխատակազմի համար՝ ապահովելու բանտում մարդկանց խնամքի բարձր չափանիշներ:

➔ **Հաշվետվողականություն և թափանցիկություն**

[Կանոն 9]

Բանտերը պետք է պարբերաբար ենթարկվեն ստուգման և անկախ մշտադիտարկման:

Ընդունում և տվյալների պահպանում

➔ **Ընդունվելուն պես** [Կանոններ 15*, 30.1]

Անհրաժեշտ է գրանցել ընդունման ժամն ու ընդունվող անձի մասին հստակ մանրամասները: Դա ներառում է նրանց ինքնության, տեսանելի վնասվածքների և առողջության մասին կարևոր տեղեկություններ, ինչպես նաև ընտանիքի անդամների կամ մերձավոր հարազատների վերաբերյալ տեղեկություններ: Մարդկանց նաև պետք է տեղեկացնել բանտի կարգապահությունը ղեկավարող կանոնների և նրանց իրավունքների մասին:

➔ **Ընդունումից հետո հնարավորինս շուտ** [Կանոն 16]

Ընդունման պահին գրանցված առողջության վերաբերյալ տեղեկությունը պետք է լրացվի բժշկական գնմամբ: Ընդունվելուն պես հավաքագրված տեղեկությունը պետք է գնահատվի՝ բավարարելու անհատի անձնական կամ բարեկեցության կարիքները: Անհրաժեշտ է նաև սահմանել նրանց ապահովության հավանական սպառնալիքը և անվտանգության պատշաճ մակարդակը: Դատապարտված անձանց դեպքում պետք է քայլեր ձեռնարկվեն՝ նրանց պատժի համար մշակված պլաններն իրականացնելու համար:

➔ **Տվյալների շարունակական պահպանում** [Կանոն 16ա*]

Ընդունման ժամանակ հավաքագրված տեղեկությունները պետք է թարմացվեն և հնարավորության դեպքում լրացվեն, և պահվեն գաղտնի: Հետագա տեղեկությունները պետք է հավաքագրվեն անձի կալանքի ընթացքում, այդ թվում՝ պատժի պլանավորման, վարքագծի, ներկայացված դիմումների կամ բողոքների (եթե գաղտնի չեն), ինչպես նաև կարգապահական միջոցների, զսպման միջոցների կամ ինտրուզիվ գնման մասին, որոնց նրանք ենթարկվում են:



Բանտի պայմաններ

➡ Ընդհանուր [Կանոն 4]

Բանտի պայմանները պետք է համապատասխանեն նվազագույն չափանիշին՝ ապահովելու, որ բանտում բոլոր անձանց արժանապատվությունը հարգվի: Այս առումով աշխատակիցները մեծ դեր ունեն: Միջոցների անբավարարությունը երբեք չի կարող արդարացնել մարդու իրավունքները խախտող պայմանները:

➡ Կացարան և տեղաբաշխում [Կանոններ 17-18, 32]

Կացարանը պետք է ապահովի հարգանք մարդու արժանապատվության, անձնական կյանքի գաղտնիության և առողջության նկատմամբ: Դրա համար անհրաժեշտ է հատուկ ուշադրություն դարձնել հատակի տարածքին, օդին, լուսավորությանը, ջեռուցման ու օդափոխությանը: Օրինակ՝ պատուհանները պետք է հնարավորություն ստեղծեն մարդկանց համար կարդալ կամ աշխատել բնական լույսի ներքո և (եթե չկա հարմար օդափոխություն) թույլ տան մաքուր օդի մուտքը:

Բանտի տեղափոխման ընթացքում պայմանները պահանջում են, ի թիվս այլնի, բավարար լուսավորություն և օդափոխություն:

Մարդիկ պետք է տեղաբաշխվեն իրենց տներին կամ համայնքներին մոտ հաստատություններում: Տեղաբաշխման համար պետք է հաշվի առնել նրանց ապահովությունը, անվտանգությունը և համապատասխան ռեժիմի առկայությունը:

➡ Ֆիզիկական բարորություն [Կանոններ 19-22, 25, 27]

Յուրաքանչյուր բանտի բոլոր մասերը պետք է լինեն մաքուր և պատշաճ վիճակում, և մարդիկ պետք է հասանելիություն ունենան սանիտարական և վազման հարմարություններին (կանանց սանիտարական կարիքների համար հատուկ դրոյթով), ինչպես նաև իրենց սեփական անկողնուն: Հագուստը պետք է լինի հարմար կլիմային, լավ վիճակում և չպետք է լինի նվաստացնող: Բոլորը պետք է ապահովվեն բավարար սնունդով՝ թե քանակապես և թե սննդարար սննդակարգի տեսանկյունից, որը հաշվի է առնում կրոնը և մշակույթը, և մշտապես պետք է հասանելի լինի մաքուր խմելու ջուր:

Բանտային ռեժիմը պետք է ապահովի գործողությունների բալանսավորված ծրագիր և հեշտացնի մարդկային և սոցիալական շփման բավարար մակարդակի ապահովումը: Ի լրումն՝ բանտում բոլոր անձինք պետք է ունենան օրական առնվազն մեկ ժամ բացօթյա վարժությունների հնարավորություն, երբ նրանց կթույլատրվի շփվել միմյանց հետ: Անհրաժեշտ է ներդնել այլընտրանքային միջոցառումներ, եթե եղանակային պայմանները թույլ չեն տալիս բացօթյա վարժություններ:

 **Աշխատանք բանտում [Կանոններ 26, 100, 105]**

Աշխատանքը բանտում չպետք է օգտագործվի որպես պատիժ; այն պետք է ունենա օգտակար բնույթ, ապահովի արդար վարձատրություն, և ներառի մասնագիտական ուսուցում նրանց համար, ովքեր կարող են օգուտ քաղել դրանից: Մարդիկ պետք է ունենան իրենց ստանձնած աշխատանքի ընտրության որոշակի մակարդակ, և աշխատանքի չափանիշները (այդ թվում՝ առավելագույն ժամերը և առողջապահական ու անվտանգային միջոցառումները) չպետք է լինեն ավելի ցածր, քան բանտից դուրս են: Ֆինանսական շահի հետապնդումը չպետք է գերակայի բանտարկյալների շահերին:

Մինչդատական կալանքի տակ գտնվող անձանց կարող է թույլատրվել աշխատել, սակայն նրանցից չպետք է պահանջել աշխատել: Թոշակի տարիքը չլրացած դատապարտյալներից կարող է պահանջվել աշխատել՝ հաշվի առնելով ֆիզիկական և մտավոր պիտանիությունը:

 **Կրթություն [Կանոններ 28 և 106]**

Մարդիկ պետք է հասանելիություն ունենան համապարփակ կրթական ծրագրերի, հատկապես ուշադրություն պետք է դարձվի երիտասարդներին, հատուկ կարիք ունեցողներին և տարրական կրթություն չունեցող անձանց: Դատապարտված անձանց համար կրթական ծրագրերը պետք է փոփոխվեն՝ բանտում իրենց մնալու ժամանակին համապատասխան:

 **Կապ արտաքին աշխարհի հետ [Կանոններ 23-24, 99]**

Բոլորը պետք է թույլատրվեն հնարավորինս հաճախ հաղորդակցվել բանտից դուրս մարդկանց հետ, այդ թվում՝ այցելությունների, նամակների և հեռախոսազանգերի միջոցով: Սա նրանց անձնական և ընտանեկան կյանքի իրավունքի կարևոր բաղադրիչ է և կարևոր

Է հոգեկան բարեկեցության համար: Հաղորդակցությունը կարող է ենթարկվել սահմանափակումների կամ մշտադիտարկման, երբ անհրաժեշտ է, օրինակ՝ քրեական հանցագործությունների կանխարգելման համար, սակայն նույնիսկ սահմանափակման դեպքում պետք է թույլատրվի կապի նվազագույն ընդունելի մակարդակ: Անհրաժեշտ է տրամադրել օգնություն՝ արտաքին աշխարհի հետ բավարար կապ պահելու համար:

Բանտում մարդիկ իրավունք ունեն իրավական խորհրդատվություն ստանալ, որը պետք է գաղտնի մնա: Իրավաբան-հաճախորդ գաղտնիության միջամտության միակ բացառիկ հանգամանքն է լուրջ հանցագործությունների կամ բանտի ապահովության և անվտանգության լուրջ խախտումների կանխարգելումը:

Ազատ արձակումը [Կանոններ 33, 107]

Ազատ արձակման պես անհրաժեշտ է վերադարձել բանտարկյալին պատկանող բոլոր իրերը: Պետք է տրամադրել նույնականացման փաստաթղթերը և աջակցել հարմար կացարան և աշխատանք գտնելու հարցում: Ազատ արձակված անձանց պետք է տրամադրել բավարար միջոցներ՝ ապահովելու, որ նրանք կարողանան բավարարել իրենց անմիջական կարիքները և համեն տուն: Ազատ արձակումից առաջ պետք է տրամադրել աջակցություն, այդ թվում՝ պրոբացիոն գործակալությունների, համայնքային գործակալությունների և աջակցության ցանցերի հետ համագործակցությամբ:

Առողջություն

Առողջապահության հասանելիություն

[Կանոններ 39-41, 46-47]

Առողջապահական ծառայությունների ողջ շրջանակը, ներառյալ անհրաժեշտ բժշկական, վիրաբուժական և հոգեբուժական ծառայությունները, պետք է հասանելի լինեն բանտում գտնվողներին՝ առանց խտրականության, և լինեն համարժեք բանտից դուրս հասանելի այս ծառայություններին (տես նորմալիզացման սկզբունքը): Անհրաժեշտ է նաև ապահովել առամաբույժների և ակնաբույժների հասանելիություն: Կանոնները հավասարապես վերաբերում են հոգեկան և ֆիզիկական առողջությանը: Յետևաբար, բանտի բժշկական ծառայությունը պետք



Է անհրաժեշտության դեպքում ապահովի հոգեկան առողջության բուժում և հատուկ ուշադրություն դարձնի ինքնասպանության կանխարգելմանը:

 **Բժիշկների պարտականությունները** [Կանոններ 41-45]

Յուրաքանչյուր բանտ պետք է ունենա ամնվազն մեկ որակավորված բժիշկ, ինչպես նաև այլ պատրաստված առողջապահական աշխատակիցներ, և իրականացնի կազմակերպչական գործողություններ՝ ապահովելու, որ բժիշկները հասանելի լինեն հրատապ դեպքերում: Առողջական խնդիրները ախտորոշելուն և բուժում նշանակելուն զուգահեռ՝ նրանք ունեն բազմաթիվ պարտականություններ, այդ թվում՝

- Գրանցել և հաղորդել ցանկացած նշան, որ անձը կարող է ենթարկված լինել բռնության՝ բանտարկյալների շրջանում բռնության կամ աշխատակիցների կողմից վատ վերաբերմունքի արդյունքում;
- Թմրամիջոցներից, այդ թվում՝ ալկոհոլի զրկանքի ախտանշանների շուրջ աշխատանք;
- Չայտնաբերել կալանքի հոգեբանական ազդեցությունները և զեկուցել տնօրենին, երբ անհատի ֆիզիկական կամ հոգեկան առողջությունը լուրջ ռիսկի տակ է ազատագրվման որևէ հանգամանքի, այդ թվում՝ մեկուսի բանտարկության պատճառով;
- Պայմանավորվածություններ ձեռք բերել համայնքային գործակալությունների հետ՝ ազատ արձակվելուց հետո բուժման շարունակության համար;
- Ամեն օր այցելել մեկուսի բանտարկության ենթակա անձանց և տրամադրել արագ բուժօգնություն՝ ըստ իրենց դիմումի;
- Պարբերաբար ստուգել և զեկուցել բանտում հիգիենայի, սանիտարական պայմանների և սննդի որակի մասին (ինչը կարող է նաև իրականացվել մեկ այլ նշանակված մարմնի կողմից) և ձեռնարկել անհապաղ քայլեր՝ բացահայտված մտահոգությունները վերացնելու նպատակով:

Ապահովություն, անվտանգություն և կարգապահություն

➡ Անվտանգություն [Կանոն 51]

Անվտանգության միջոցառումներն ու պայմանները չպետք է լինեն ավելին, քան անհրաժեշտ է: Դրան հասնելու գլխավոր ձևը «**շարժուն (դինամիկ) անվտանգություն**» է, որը հիմնված է աշխատակազմի՝ հաղորդակցման և փոխգործակցության միջոցով բանտում մարդկանց հետ հարաբերությունների կառուցման վրա:

Շարժուն անվտանգություն

Հայեցակարգ է աշխատանքային մեթոդ, որով աշխատակազմը առաջնահերթություն է տալիս պրոֆեսիոնալ էթիկայի հիման վրա բանտում մարդկանց հետ ամենօրյա հաղորդակցման և փոխգործակցության ստեղծմանն ու պահպանմանը: Դրան պատակն է ավելի լավ հասկանալ անհատներին և գնահատել այն ռիսկերը, որ նրանք կարող են առաջացնել, ինչպես նաև ապահովել անվտանգություն, ապահովություն և լավ կարգապահություն՝ նպաստելով վերականգնմանը և ազատ արձակման նախապատրաստմանը: Այս հայեցակարգն անհրաժեշտ է հասկանալ անվտանգության առավել լայն հասկացության շրջանակում, որը նաև պարունակում է կառուցվածքային, կազմակերպչական և ստատիկ անվտանգություն (պատեր, պատնեշներ, կողպեքներ, լուսավորություն և սարքավորումներ, որոնք օգտագործվում են մարդկանց անհրաժեշտության դեպքում՝ զսպելու համար):

➡ Ապահովություն [Կանոն 52]

Պետք է լինեն ընթացակարգեր՝ ապահովելու բանտում ամբողջ աշխատակազմի, մարդկանց և այցելուների ապահովությունը: Ձերբակալված անձինք պետք է կարողանան կապ հաստատել աշխատակիցների հետ յուրաքանչյուր պահի, եթե կա ապահովության սպառնալիք: Տես նաև «Ընդունում և տվյալների պահպանում» բաժինը՝ ռիսկերի գնահատման վերաբերյալ:

 **Անվտանգության և ապահովության հատուկ խստացված միջոցառումներ [Կանոն 53*]**

Եթե անձը հատուկ վտանգ է ներկայացնում ապահովության և անվտանգության տեսանկյունից, նա կարող են ենթակա լինել անվտանգության և ապահովության հատուկ խստացված միջոցառումների: Դրանք պետք է կիրառվեն բացառիկ հանգամանքներում՝ առկա ռիսկի հիման վրա՝ անհատների, և ոչ թե խմբերի նկատմամբ, և միայն այնքան ժամանակ, որքան ապահովությունն ու անվտանգությունը հնարավոր չէ պահպանել պակաս սահմանափակող մեթոդով: Նման միջոցառումները պետք է հաստատվեն միայն հստակ ժամանակահատվածով, որից հետո անհրաժեշտ է լրացուցիչ հաստատում, և անհատը պետք է գրավոր ձևով տեղեկացվի՝ ինչպես վիճարկել այդ միջոցառումը:

 **Կարգապահական միջոցառումներ [Կանոններ 56-63]**

Կարգապահական ընթացակարգերը պետք է օգտագործվեն միայն որպես վերջին հանգրվան, որի փոխարեն հնարավորության դեպքում պետք է օգտագործվեն վերականգնողական միջոցառումներ կամ միջնորդություններ: Պետական օրենսդրությունը պետք է սահմանի՝ ինչ է նշանակում կարգապահական իրավախախտում (որը կարող է միայն ներառել լավ կարգապահության, անվտանգության կամ ապահովության սպառնալիք հանդիսացող գործողություններ կամ անգործություն), սահմանափակի օգտագործման ենթակա կարգապահական միջոցառումների տեսակներն ու տևողությունը, և սահմանի բողոքարկման գործընթացը:

Կարգապահական իրավախախտման մեջ մեղադրվող անձը պետք է արագ տեղեկացվի այդ մասին, և նրան բավարար ժամանակ և միջոցներ, այդ թվում՝ որոշ դեպքերում, իրավական աջակցության հասանելիություն պետք է տրվի պաշտպանություն պատրաստելու համար: Անձը երբեք չպետք է երկու անգամ պատժվի մեկ գործողության համար:

➔ Առանձնացում և մեկուսի բանտարկություն

[**Կանոններ 53Ա*, 60.6***]

Մարդիկ բանտում կարող են մեկուսացվել՝ որպես անվտանգության կամ ապահովության հատուկ խստացված միջոցառում կամ կարգապահական պատժառանքով: Ամեն դեպքի համար գործում են տարբեր կանոններ: Առանց իմաստալից մարդկային հաղորդակցման 22 ժամից ավել մեկուսացումը հանդիսանում է «մեկուսի բանտարկություն», ինչը մեկուսացման ծայրահեղ տեսակ է, որը կարող է վնասել անձի ֆիզիկական և հոգեկան առողջությունը: Այս միջոցառումը կարող է միայն բացառիկ դեպքերում և խիստ երաշխիքների ենթակա լինելով կիրառվել որպես կարգապահական պատիժ՝ հնարավորինս կարճ ժամկետով:

Արդյո՞ք այս անձը մեկուսացվել է որպես **կարգապահական միջոցառման** կիրառում, թե (իր կամ այլոց) **ապահովության/անվտանգության** համար:



Կարգապահական միջոցառում

➔ Արդյո՞ք անձը մեկուսացված է առանց իմաստալից մարդկային հաղորդակցման օրական 22 ժամից ավել:



Այո

➔ Սա **մեկուսի բանտարկություն է՝ որպես կարգապահական միջոցառում**, ինչը պետք է բացառիկ դեպքերում լինի: Գործում են մեկուսացնելու և կարգապահության վերաբերյալ ընդհանուր կանոնները (**Կանոն 53Ա & Կանոններ 56-63**) ինչպես նաև **Կանոն 60.6**-ում սահմանված կոնկրետ պահանջները:



Ոչ

➔ Սա **մեկուսացում է որպես ապահովության/անվտանգության հատուկ խստացված միջոց**, սակայն չի հանդիսանում (**Կանոն 53**) և մեկուսացման մասին կոնկրետ կանոնը (**Կանոն 53Ա**):



Անվտանգություն/ապահովություն

➔ Արդյո՞ք անձը մեկուսացված է առանց իմաստալից մարդկային հաղորդակցման օրական 22 ժամից ավել:



Այո

➔ Սա հանդիսանում է **մեկուսի բանտարկություն**. միջոցառում, որը նախատեսված չէ **Կանոն 53Ա**-ով: Այս կանոնները սահմանում են, որ մեկուսացված բոլոր անձինք պետք է ամեն օր առնվազն 2 ժամ իմաստալից մարդկային շփման հնարավորություն ունենան:



Ոչ

➔ Սա **մեկուսացում է որպես կարգապահական միջոցառում**, սակայն չի հանդիսանում մեկուսի բանտարկություն: Գործում են կարգապահության մասին ընդհանուր կանոնները (**Կանոններ 56-63**):

➡ **Մեկուսացումը որպես անվտանգության կամ ապահովության հատուկ խստացված միջոցառում**

[Կանոն 53Ա*]

Ի լրումն անվտանգության և ապահովության հատուկ խստացված միջոցառումների ընդհանուր պահանջների, գործում են այլ կանոններ մեկուսացման՝ որպես անվտանգության կամ ապահովության հատուկ խստացված միջոցառման դեպքում: Համաչափությունը խիստ կարևոր է սահմանափակումները պետք է լինեն այն նվազագույն անհրաժեշտը, որով կարելի է հասնել մեկուսացման նպատակներին, և պետք է պարբերաբար վերանայվեն՝ համաձայն յուրաքանչյուր գործի նպատակների՝ գնահատելու շարունակության անհրաժեշտությունը: Մեկուսացված անձինք նաև պետք է ունենան բողոք ներկայացնելու իրավունք (տես Բողոքներ): Անձին մեկուսացնելու որոշումը պետք է նաև հաշվի առնի նրանց ֆիզիկական և հոգեկան առողջությունը և նրանց հաշմանդամությունը, որը կարող է վատթարացնել մեկուսացման հավանական բացասական ազդեցությունը առողջության վրա:

Եթե անձը մեկուսացվում է անվտանգության կամ ապահովության պատճառներով, նա պետք է ունենա օրական առնվազն երկու ժամ մարդկանց հետ իմաստալից հաղորդակցման հնարավորություն: Մարդկային շփման «իմաստալից» լինելը կախված է փոխգործակցության որակից և հոգեբանական ստիմուլյացիայի մակարդակից: Որպեսզի հաղորդակցումը լինի իմաստալից, այն պետք է լինի առերես, «ավելին քան կարճ կամ պատահական» և չպետք է սահմանափակվի առօրյա բանտային կյանքի մաս կազմող սովորական շփումներով (տես Կանոնների մեկնաբանություն, Կանոն 53Ա, *Լրացուցիչ նետևորներ*):

Մեկուսացված անձինք պետք է ամեն օր այցելություն ունենան, այդ թվում՝ բանտի տնօրենի կամ նրա անունից հանդես եկող աշխատակցի կողմից: Եթե մեկուսացումը բացասաբար է անդրադարձնում անձի առողջության վրա, այն պետք է կասեցվի կամ փոխարինվի պակաս սահմանափակող միջոցառմամբ: Որքան երկար է անձը մեկուսացված, այնքան շատ քայլեր պետք է ձեռնարկվեն՝ հեշտացնելու նրա հաղորդակցումը այլոց հետ և տրամադրելու միջոցներ ու գործողություններ՝

մեղմացնելու մեկուսացման վնասակար ազդեցությունները: Միջոցներն ու գործողությունները պետք է ներառեն, առնվազն մեկուսացման հենց սկզբից, ընթացակարգային նյութերի հասանելիություն և օրական առնվազն մեկ ժամ վարժության հնարավորություն:

Մեկուսի բանտարկությունը որպես կարգապահական պատիժ [Կանոն 60.6*]

Մեկուսի բանտարկությունը սահմանվում է որպես ձերբակալված անձանց բանտարկություն օրական ավելի քան 22 ժամով՝ առանց մարդկանց հետ իմաստասիր շփման: Այն երբեք չպետք է օգտագործվի երեխաների, հղի կանանց, կրծքով կերակրող մայրերի, բանտում երեխայի հետ գտնվող ծնողների կամ հոգեկան կամ ֆիզիկական հաշմանդամություն ունեցող անձանց դեպքում, երբ նրանց խնդիրը կարող է վատթարանալ մեկուսի բանտարկության հետևանքով: Այն կարող է օգտագործվել միայն բացառիկ դեպքերում և երբեք չպետք է հանդիսանա խոշտանգում կամ անմարդկային կամ արժանապատվությունը նվաստացնող վերաբերմունք կամ պատիժ:

Մեկուսի բանտարկությունը կարող է իրականացվել հստակ ժամանակահատվածով և սահմանափակ է պետական օրենսդրությամբ սահմանված առավելագույն ժամանակահատվածով: Այս անձինք պետք է այցելություն ունենան ամենօրյա ռեժիմով, այդ թվում բանտի տնօրենի կամ նրա անունից գործող աշխատակցի, ինչպես նաև բժիշկների կողմից, և նրանց բանտարկությունը պետք է դադարեցվի կամ կասեցվի, եթե նրանց հոգեկան կամ ֆիզիկական վիճակը վատթարանում է:

Ուժի և զսպման միջոցների օգտագործում [Կանոններ 64-68]

Ուժ կարող է օգտագործվել աշխատակիցների կողմից միայն ինքնապաշտպանության մանրամասն ընթացակարգերով, փախուստի փորձի դեպքերում կամ իրավաչափ հրամանի դիմադրության դեպքում: Այն մշտապես պետք է լինի վերջին միջոցը, և պետք է օգտագործվի պահանջվող ուժի միայն նվազագույն մակարդակը. աշխատակազմը պետք է պատրաստված լինի՝ տիրապետելու նվազագույն ուժի օգտագործման տեխնիկաների:



Չսպման գործիքները կարող են օգտագործվել միայն օրենքով լիազորված լինելու դեպքում, կամ երբ ավելի քիչ հսկողության ձևը արդյունավետ չի լինի: Դրանք երբեք չպետք է օգտագործվեն ծննդաբերության ցավերի մեջ գտնվող կամ ծննդաբերող կանանց դեպքում, կամ ծննդաբերությունից անմիջապես հետո: Չսպման այս մեթոդը պետք է լինի հնարավորինս ամենաքիչ ինտրուզիվը, և զսպման միջոցները պետք է վերացվեն, երբ ռիսկն այլևս չկա: Չսպման միջոցների օգտագործման յուրաքանչյուր դեպք պետք է գրանցվի գրանցամատյանում:

Ձեռնաշղթաներ, զսպաշապիկներ և մարմինը զսպող այլ պարագաներ կարող են օգտագործվել միայն տեղափոխման ընթացքում փախուստը կանխելու նպատակով կամ բանտի տնօրենի կարգադրությամբ՝ կանխելու անձին կամ այլոց վնաս պատճառելը, ինչի դեպքում բժիշկը պետք է անմիջապես ծանուցվի այդ մասին: Չսպման նվաստացնող ձևերը, ինչպիսիք են շղթաներն ու երկաթները, երբեք չպետք է օգտագործվեն:

Դիմումներ և բողոքներ [Կանոն 70]

Բանտում գտնվող մարդիկ պետք է հնարավորություն ունենան դիմումներ կամ բողոքներ ներկայացնել թե՛ ներքին մարմիններին, ինչպիսիք են բանտի տնօրենը, թե՛ արտաքին՝ իրավասու մարմիններին, ինչպիսիք են տեսչական կամ մշտադիտարկող մարմինները: Համակարգերն ու ընթացակարգերը պետք է ապահովեն, որ գրաքննության կամ գաղտնիության խախտման ռիսկ չլինի: Նրանք չպետք է ենթարկվեն բռնաճնշումների կամ պատժամիջոցների՝ դիմում կամ բողոք ներկայացնելու համար: Համապատասխան մարմինները նաև պետք է հաշվի առնեն ընտանիքներից կամ աջակցության ցանցերից ստացված բողոքները:

Աշխատակիցներն ունեն փոքր դիմումները կամ բողոքները լուծելու կարևոր դեր՝ ավելի լուրջ խնդիրները մեղմացնելու նպատակով: Պետք է պահել դիմումների և բողոքների գրանցամատյան, և դրանցով պետք է զբաղվել որքան հնարավոր է շուտ՝ ապահովելով համապատասխան անձանց մասնակցությունը: Եթե դիմումը կամ բողոքը մերժվում է, անհրաժեշտ է տրամադրել դրա պատճառները և պետք է լինի այն անկախ մարմին բողոքարկելու հնարավորություն:

Հատուկ կարիքներով խմբեր

➔ **Կանայք** [Կանոն 34*]

Կանոնները պահանջում են կոնկրետ գենդերազգայուն քաղաքականությունների իրականացում, ինչպես նաև պոզիտիվ միջոցառումներ բոլոր ոլորտներում՝ բանտարկյալ կանանց կարիքները բավարարելու համար:

Կանանց կալանավորման վրա ազդող որոշումներ կայացնելիս հատուկ ուշադրություն պետք է դարձնել նրանց ֆիզիկական, մասնագիտական, սոցիալական և հոգեբանական կարիքներին, ինչպես նաև ինսամատարության պարտականություններին:

Անհրաժեշտ է ներդնել հատուկ ջանքեր՝ բանտում կանանց ֆիզիկական, հոգեկան կամ սեռական շահագործումից պաշտպանելու համար, և եթե կանայք վերապրել են նման շահագործում, նրանք պետք է հասանելիություն ունենան մասնագիտացված ծառայությունների, այդ թվում՝ հոգեբանական աջակցության կամ խորհրդատվության, և համապատասխան բժշկական խորհրդատվության:

➔ **Երեխաներ** [Կանոն 35]

Երեխաները (18 տարեկանից ցածր անձինք) չպետք է ձերբակալվեն մեծահասակների բանտերում: Անչափահաս իրավախախտների վերաբերյալ եվրոպական կանոնները (տես *Լրացուցիչ ռեսուրսներ*) տրամադրում են մանրամասն կանոններ իրավախախտման մեջ մեղադրվող կամ դատապարտված երեխաների կառավարման վերաբերյալ: Երբ, բացառիկ հանգամանքներում, երեխան ձերբակալվում է մեծահասակների բանտում, նա պետք է հասանելիություն ունենա բոլոր սոցիալական, հոգեբանական և կրթական ծառայություններին, որոնք հասանելի են երեխաներին համայնքում, և պետք է պահվեն մեծահասակներից առանձին տարածքում:

➔ **Մանկահասակ երեխաներ** [Կանոններ 34.4*, 36]

Ձերբակալված կանանց ծննդաբերությունը պետք է միշտ կազմակերպվի բանտից դուրս: Եթե, բացառիկ հանգամանքներում, նրանք ծննդաբերում են բանտում, պետք է տրամադրել ամբողջ անհրաժեշտ աջակցությունը և

միջոցները: Մանկահասակ երեխան կարող է մնալ բանտում ծնողի հետ միայն եթե դա բխում է մանկահասակ երեխայի լավագույն շահից: Նրանց չպետք է վերաբերվել որպես ձերբակալված անձ և պետք է հատուկ դրույթով ապահովել մտուր և համապատասխան կացարան՝ պաշտպանելու նրանց բարեկեցությունը:

➡ **Օտարերկրյա քաղաքացիներ** [Կանոն 37*]

Պետք է պոզիտիվ միջոցներ ձեռնարկվեն՝ բավարարելու օտարերկրյա քաղաքացիների առանձնահատուկ կարիքները (ավելի մանրամասն պահանջների համար տես Եվրոպայի խորհրդի՝ օտարերկրյա բանտարկյալների վերաբերյալ առաջարկությունը՝ *Լրացուցիչ աղբյուրներում*): Անհրաժեշտ է ձեռնարկել քայլեր՝ հեշտացնելու նրանց կապը ընտանիքի և բանտից դուրս ցանցերի հետ, ինչպես նաև անձի համաձայնության դեպքում, դիվանագիտական կամ հյուպատոսական ներկայացուցիչների հետ:

➡ **Էթնիկ կամ լեզվական փոքրամասնություններ** [Կանոն 38]

Հատուկ պայմաններ պետք է ստեղծվեն՝ բավարարելու էթնիկ կամ լեզվական փոքրամասնությունների կարիքները (օրինակ՝ մասնագիտացված թարգմանչական ծառայությունների կամ մշակութային, սննդային կարիքներին ադապտացվելու միջոցով – տես Ֆիզիկական բարօրությունը): Որքան հնարավոր է գործնականում՝ անհրաժեշտ է թույլ տալ տարբեր խմբերի մշակութային պրակտիկաների շարունակությունը բանտում:

Վերապատրաստում և բանտի կառավարում

➡ **Սկզբունքներ** [Կանոններ 71-75 և 83]

Բանտի կառավարումը պետք է ուղղորդվի մարդու արժանապատվության հանդեպ հարգանքով և վերաինտեգրման նպատակով: Աշխատակազմը պետք է մշտապես իրականացնի իր պարտականությունները այնպես, որ բանտի բնակչության համար լինի լավ օրինակ և վայելի նրանց հարգանքը: Պետք է գոյություն ունենան կազմակերպական և կառավարման համակարգեր՝ ապահովելու, որ բանտերը համահունչ լինեն մարդու իրավունքների չափանիշներին:

Բանտերի կառավարում [Կանոններ 82-89]

Աշխատակիցները պետք է նշանակվեն առանց խտրականության և պետք է ներառեն մասնագետներ, ինչպիսիք են հոգեբույժները և ուսուցիչները, և պետք է լինի տղամարդկանց և կանանց հավասարակշռություն: Տնօրենը, ղեկավարությունը և աշխատակազմի մեծ մասը պետք է կարողանան խոսել բանտարկյալների մեծամասնության լեզվով:

Բանտերի վարչակազմերը պետք է աշխատեն կառավարության հետ՝ ապահովելու, որ մշտապես լինի բավարար աշխատակազմ: Սա ներառում է տնօրեն, ով նշանակված է լրիվ դրույթով և ունի բավարար որակավորում:

Վերապատրաստում [Կանոն 81]

Բանտի ղեկավարությունը պետք է ապահովի բանտի աշխատակազմի մշտապես բարձր չափանիշներ՝ այն գիտակցմամբ, որ նրանք իրականացնում են կարևոր հանրային ծառայություն: Բանտի աշխատակազմը պետք է կարողանա պահպանել և բարելավել իր գիտելիքը կարիերայի ողջ ընթացքում՝ հաճախելով վերապատրաստման և զարգացման դասընթացների: Չատուկ վերապատրաստում պետք է տրամադրվի այն աշխատակազմին, որն աշխատում է կոնկրետ խմբերի հետ, ինչպիսիք են երեխաները, երիտասարդ չափահասները, օտարերկրյա քաղաքացիները, կանայք կամ տարեցները:

Դասընթացները պետք է ներառեն Մարդու իրավունքների եվրոպական կոնվենցիայի, Եվրոպական բանտային կանոնների, Խոշտանգումների և անմարդկային կամ արժանապատվությունը նվաստացնող վերաբերմունքի կամ պատժի կանխարգելման եվրոպական կոնվենցիայի և մարդու իրավունքների այլ չափանիշների վերաբերյալ ուսուցում:

Տեսչական ստուգում և մշտադիտարկում

[Կանոններ 92 և 93]

Բանտերի՝ պետական և միջազգային օրենքներին, այդ թվում՝ Եվրոպական բանտային կանոնների դրույթներին համապատասխանությունն ապահովելու համար, դրանք պետք է կանոնավոր ձևով ստուգվեն պետական մարմնի կողմից և մշտադիտարկվեն անկախ մարմնի կողմից, որի բացահայտումները պետք է հանրայնացվեն:

Մշտադիտարկման անկախ մարմինները պետք է ունենան հասանելիություն բանտի բոլոր հատվածներին և կրակային պահանջած բոլոր փաստաթղթերին: Նրանք պետք է կարողանան այցելել բոլոր բանտերը և կարողանան ընտրել որ բանտերն այցելել՝ նախապես դրա մասին չտեղեկացնելով կամ այլ կերպ: Նրանք պետք է կարողանան ընտրել ում հետ հարցազրույց անցկացնել և իրականանել գաղտնի հարցազրույցներ ձերբակալվածների և աշխատակազմի հետ: Ոչ ոք չպետք է պատժի ենթարկվի մշտադիտարկման անկախ մարմնին տեղեկություն տրամադրելու համար:

Մշտադիտարկող անկախ մարմինները պետք է լիազորված լինեն առաջարկություններ ներկայացնելու, որոնց պետական մարմինները կամ բանտերի վարչակազմերը պետք է ողջամիտ ժամկետում հանրայնորեն պատասխանեն՝ ձեռնարկվող գործողությունների առնչությամբ:

Լրացուցիչ աղբյուրներ

Եվրոպայի խորհուրդ, *Քանտի և պրոբացիոն ծառայության աշխատակազմի ընդունելության, ընտրության, կրթության, վերապատրաստման և մասնագիտական պարզացման վերաբերյալ ուղեցույցներ*, 2019 թ. (CM(2019)111-add).
www.coe.int/en/web/prison/conventions-recommendations.

Եվրոպայի խորհրդի Նախարարների կոմիտե, *Պատժամիջոցների կամ այլ միջոցների ենթակա անչափահաս իրավախախտների վերաբերյալ եվրոպական կանոններ*, 2008թ. (CM/Rec(2008)11).
www.coe.int/en/web/prison/conventions-recommendations.

Եվրոպայի խորհրդի Նախարարների կոմիտե, *Օտարերկրյա բանտարկյալների վերաբերյալ Նախարարների կոմիտեի կողմից անդամ պետություններին տրված առաջարկություններ*, 2012թ. (CM/Rec(2012)12).
www.coe.int/en/web/prison/conventions-recommendations.

Եվրոպայի խորհուրդ, *Կոնվենցիաների ժողովածու, Քանտերի և համայնքային պատժամիջոցների և միջոցառումների վերաբերյալ առաջարկություններ և բանաձևեր*, հոկտի 2020 թ.
www.coe.int/en/web/prison/home.

Խոշտանգումների և անմարդկային կամ արժանապատվությունը նվաստացնող վերաբերմունքի կամ պատժի կանխարգելման եվրոպական կոմիտե (ԽԿԿ), *Չափանիշներ և գործիքներ. բանտեր*.
www.coe.int/en/web/cpt/standards#prisons.

Մարդու իրավունքների եվրոպական դատարան, *Մարդու իրավունքների եվրոպական կոնվենցիայի նախադեպային իրավունքի վերաբերյալ ուղեցույց*, վերջին անգամ թարմացվել է 2021թ. ապրիլին:
www.echr.coe.int/Documents/Guide_Prisoners_rights_ENG.pdf.

Միջազգային բանտային բարեփոխումներ, *Նելսոն Մանդելայի կանոնների վերաբերյալ կարճ ուղեցույց (վերանայված Նվազագույն ստանդարտ կանոններ)*, 2016թ.
www.penalreform.org/resource/short-guide-to-the-nelson-mandela-rules.

Միջազգային բանտային բարեփոխումներ, ՄԱԿ-ի՝
Կին իրավախախտների և բանտարկյալների վերաբերյալ
բանգկոկյան կանոններ. կարճ ուղեցույց, 2013թ.
www.penalreform.org/resource/united-nations-bangkok-rules-women-offenders-prisoners-short.

Միջազգային բանտային բարեփոխումներ, Հոգեկան
առողջությունը բանտում. կարճ ուղեցույց բանտի
աշխատակազմի համար, 2018թ. [www.penalreform.org/
resource/mental-health-in-prison-a-short-guide-for](http://www.penalreform.org/resource/mental-health-in-prison-a-short-guide-for).

Penal Reform International կազմակերպության մասին

«Penal Reform International» (PRI) կազմակերպությունը ոչ կառավարական կազմակերպություն է, որը գործում է համաշխարհային մակարդակում՝ խթանելու քրեական արդարադատության համակարգերը, որոնք ապահովում են մարդու իրավունքները բոլորի համար և չեն վնասում: Մենք աշխատում ենք՝ դարձնելու քրեական արդարադատության համակարգերը ոչ խտրական և պաշտպանելու անբարենպաստ պայմաններում գտնվող մարդկանց իրավունքները: Մենք իրագործում ենք մարդու իրավունքների գործնական ծրագրեր և աջակցում բարեփոխումներին, որոնք դարձնում են քրեական արդարադատությունը արդար և արդյունավետ:

«Penal Reform International» կազմակերպությունը (PRI) գրանցված է Նիդերլանդներում (գրանցում no 40025979), և գործում է ողջ աշխարհում՝ բազմաթիվ վայրերում գրասենյակներով:

www.penalreform.org



FAIR AND EFFECTIVE CRIMINAL JUSTICE


Penal Reform International
Գլխամասեր

The Green House
244-254 Cambridge Heath Road
Լոնդոն E2 9DA
Միացյալ Թագավորություն

The Hague Humanity Hub
Fluwelen Burgwal 58
2511 CJ Հաագա
Նիդերլանդներ

info@penalreform.org

 [@PenalReformInt](https://twitter.com/PenalReformInt)

 [@Penalreforminternational](https://www.facebook.com/Penalreforminternational)

Penal Reform International
Կենտրոնական Ասիայում

Syganak str. 29
Աստանա
Ղազախստան

96 Toktogul street, office 7
Բիշքեկ
Ղրղզստան

pricentralasia@penalreform.org

Penal Reform International
Հարավային Կովկասում

Chavchavadze Avenue
1st Lane, Block N6, 3rd entrance, apt. N61
Թբիլիսի 0179
Վրաստան

Penal Reform International
Միջին Արևելքում և Հյուսիսային Աֆրիկայում

22 Amro Bin Dinar
Ամման
Հորդանան

priamman@penalreform.org

Penal Reform International
Ենթասահարյան Աֆրիկայում

Plot 8, Kisozi Close
Kisozi Complex
Nakasero
Կամպալա
P.O. Box 11455
Ուգանդա

africa@penalreform.org

WWW.PENALREFORM.ORG